

貴州政報

No. 12



中華民國八年九月下旬出版

第十二號

貴州政報

本報費目

每冊貳幣貳角
每月貳幣陸角
半年貳幣叁元叁角
全年貳幣陸元

本報運送省外郵費在內

本報告白

等	第每期全	面每期半	面每期一	面四分之一
特等(底頁之裏)	叁元			
優等(底頁之裏)	貳元肆角	壹元伍角	玖角	
普通(公文之裏)	壹元捌角	壹元	陸角	

類目

(一)特別通電

唐行營通告國人協謀救國電

(二)政府命令

(三)部咨

(四)軍署公文

(五)本署公文

改善平壩縣學務令

勘定盤普兩縣插花指令

印江縣呈報倉穀情形指令

綏陽縣呈報採訪通志事實並擬修縣

志指令

轉報涪水縣緝獲盜匪請獎指令

呈覆辦理觀音庵遺產指令

轉送黃品超呈驗原絲指令

轉報嚴瑞卿捐金請獎指令

轉送火柴公司牌記商標咨

(六)各機關文牘

撰就租稅平色暨滯納金辦法布告飭

縣粘貼令

通示本屆加收滯納金辦法令

廳發單照等件限省書次日專力寄送

令

綏陽縣呈報採訪通志事實並擬修縣

志道令

校長照章得辭退教員令

查明吳澤沛訴案指令

施秉縣呈報擊匪情形指令

石阡縣呈報改編警察隊情形指令

轉送課桑處罰規則並告示呈

轉給嚴瑞卿匾額令

思南縣呈請加委蠶桑協辦員指令

轉送黃品超呈驗原絲局令

呈送盜匪李樹雲等卷宗請核示呈

請給已故管獄員卹金呈

安順縣知事緝獲鄰縣兇犯請轉呈核

獎呈

(七)法規

經費局職員獎罰規則

蠶桑管理員任用監察規則

管理各區旅店規則

取締各區轎舖規則

(八)圖表

(九)批告

省長公署牌示一件

黔中道署批二件

省會警察廳批一件

高等檢察廳批五件

貴陽地方審判廳批八件

貴陽地方檢察廳批二件

鎮遠地方檢察廳批一件

(十)判牘

楊三姦非殺人案公判請求書

(十一)代佈

(十二)附錄

威甯服務全案彙編

特別通電

雲南督軍兼省長唐行營電

民國八年九月

通告國人協謀救國由

急廣東軍政府各總裁各部長參衆兩院北京徐菊人先生各省督軍省長各省議會教育會商會各報館鑒此次歐美議和美總統有十四條宣言而最重於各國政治獨立與土地完全之保證吾國自加入歐戰得參與協約國之末咸謂列強以正義公道爲幟志則吾國亦當受同等利益而世界可望永久和平也不謂巴黎訂立對德和約關於山東問題竟有侵害我國領土主權之三款我國專使主張簽明留保不獲維持另文留保又不獲甚至請於簽字前聲明他日得重提此案亦不獲專使迫於全國輿論不得已乃有拒絕簽字之舉夫協約國對於德約因得日本之要求不惜以我國爲犧牲已失正義公道之

貴州政治報

本旨至對奧和約則並無第三者要求繼承權利之野心則吾國簽約當不至發生意外乃近接外電奧約關涉中國各條均有修改前此和約規定奧國須拋棄庚子賠款現改爲照舊賠償原定歸還天津租界現改爲公產給價奧人所有土地仍爲私有原定中國所沒收之奧國財產應以無條件讓與中國現改爲酌量償費由中奧另商辦法原定中奧在戰前所結之條約一概作爲無效現仍適用一九零二年中奧各約僅准中國提出一部分改正之要求我國忝列協約國中乃和議結果而所受待遇轉不及戰敗國之尙得以自伸其主張天下痛心之事孰有過於此者夫崇強權而蔑公理在各國固無足尤惟吾國以獨立國家竟被擯於國際平等之外乃國人於個人權利方急起而爭持而於國家危亡竟熟視若無睹甚至謀遂一人之私計而不惜斷送國家之主權國有斯人不亡何待所冀邦人君子翻然改圖一德同心協謀救國勿徒自侮自伐甘心步猶太埃及後塵也繼堯真印

貴

州

政

報

本署公文

貴州省長公署訓令

民國八年八月

令平壩縣知事張鉅堪據省視學吳鴻基呈報視察該縣學務情形由

案據第一區省視學吳鴻基呈稱視學業將平壩縣屬教育視察完竣謹就視察所得情形據實報告等情到署查該縣學區凡十就中東一東二東一分區等七區每區有一二校或四五校不等近年公立學校略有減少并無增加就現有之各校論之有同爲公立而款項有多寡之不同或款足之公立而成績不良優良之私立而又苦於無款率聽各校自謀該知事爲地方行政長官勸學所爲一縣教育行政補助機關既不予以規畫殊失行政之平允尤非獎進之道亟應嚴加考核通盤計畫規定公立之經費及私立之補助俾挹注有資進行自易至停辦之校亦應早爲恢復須知考成所在責有攸歸斷不容該知

貴

州

政

報

事等之敷衍塞責也勸學所設縣立學校側舊學官署所長羅乃憲久於辦學
尙有經驗與勸學員陳祖銘常住所內惟關於教育承轉之件時有延擱縣署
亦不免此弊以後凡公文及關於教育各項章程到達該縣如再不爲承轉經
本署查出卽惟該知事是咎縣視學韓兆穰諳練和平近以牽於家事已呈請
辭職聞該知事擬以前縣視學劉樹森接任惟該員性情偏執能否繼任該知
事應詳爲體查方予委任至該縣教育經費該經費局既無預算而各區學款
又未統一又不固定無確定之計畫無正當之稽核以致有餘者徒飽私囊不
足者竭蹶從事甚至所提廟租未經撥產廟僧施主私當偷賣時有所聞甚至
對於各教職員薪資減成發給又復拖欠以上種種實不盡關於款源之枯竭
而清理綜核之不善實有以致之應由該知事查照本署前令令委勸學所負
稽查之責辦理統一預算其有廟產未經撥定者從速撥定不得希圖省事貽
患將來又本署前令該知事填報地方教育經費總簿迄今二月有餘該縣距

貴

州

政

報

省治僅二日程而寫遠之縣均已送到該知事竟無片紙隻字呈覆其平日漠視教育玩忽命令略可想見又該縣經費局經收未設學校各鄉場之款作馬武屯及振聲學校之用並未照給經收各區保鄉年猪捐每隻三錢之屠學捐爲數不少亦未將用途指明此兩項顯有挪移該知事應卽澈底清釐填入保管教育簿內呈送來署以便稽核又該縣私立共和國民學校校長白焜北區區立高等小學校長張烱茲辦學熱心亟應獎勵以昭激勸卽由該知事查照教育部頒辦學人員獎勵章程開具該員等詳細履歷來署以憑核獎除將調查各表冊存署備查外合行摘錄報告令發仰該知事遵照視學所指各節分別轉飭各該校遵照認真振整力圖進步仍將辦理情形及白焜張烱茲履歷具覆以憑核辦切切此令

附省視學視察平壩縣學務報告評語

縣立高等小學校 該校學生三班共一百餘人較之往年幾加一倍足見

貴

州

政

報

進步校長胡紹瑗樸實耐勞常住校內對於校務精神尙能貫徹該校經費係學穀及補助費三十元往年概由經費局支領年有拖欠故去冬不得已始呈請縣署撥學穀自收學穀既撥而三十元之補助金亦隨而消滅然學穀須秋收後始得應用秋收以前開支卽無着落查其開學至今不特教職員薪資未付即火食及每月雜支亦係校長籌墊此種辦法豈能持久查該縣經費局經收鄉場未辦學校之學款及各區鄉猪每隻三錢之屠學捐豈區區之三十元竟無法籌措乎應請飭縣從速照往年之例籌足三十元以爲該校秋收前之補助免礙進行又查與該校操場連接之捕廳舊址甚便設學校園林聞已經該縣撥入桑區查城外西北隅舊有倉地一幅地面甚寬土質肥沃應請飭縣以此互換俾資兩便至該校管理校內尙可校外稍差教科未加入農業習字圖畫讀經隨意講讀并無預算訓練則學生習氣不佳教室桌凳高低不齊且不敷用擁擠不堪講臺下灰渣壅塞廁房亦異

貴州政報

常骯穢以上種種均應改良

中區區立第一國民學校 該校校長黃正才穩重熱心其教職員對於教務亦能以學爲事就中惟李達一員任有他校校務不能兼顧所任功課應另委員担任又該校以城隍廟設置形勢散漫諸多不便一二四年級教室光線不佳潮溼甚重地狹人稠桌凳擁擠極不合宜三年級教室以戲樓爲之樓梯甚覺危險查該校歲入經費尙有餘裕應飭其於設備上力加整理又該校學生中貧兒甚多畢業後難望升學應於學科中注重生計問題如照章加入珠算及多習應用文字或淺近之農業亦可酌量加入

中區區立女子國民學校 該校校地不良應亟覓地改遷或將左廂擴爲教室以資舒展女管理張女士既因事不能到校亟應另聘且成立八年未辦一班畢業殊不足以堅社會信仰應不准學生半途廢學以便逐班畢業私立共和國民學校 該校雖規模狹小款費支絀而該校長白琨創辦此

貴

州

政

報

校於今五載教務悉萃於一身實屬教育上不可多得之員應請酌獎以昭激勸至於功課皆係遵章惟應加入珠算招收學生不應限定教民子弟并須畢業數班以昭信用

私立振聲兩等小學校 該校校長李達頗具熱心本年高小三級學生應屆畢業其程度尙屬及格惟惜宿舍與教室不敷應用牽就殊多據創辦人言已擬籌捐擴充校舍本年即可動工至其分校三所辦法尙不一致應由本校校長每星期親臨考核就便指點以期改良

私立進化國民學校 該校發起人惟尹炎尙屬熱忱惜其現任他校教員不遑兼顧校長胡陶不常到校教員徐仁普亦未晤面平日似僅教員尹德培常在校中經費僅恃學費收入雖發起人有於今年秋收後各捐穀若干石儲以生息作常年經費之語究不知能否實行故目前問題卽爲職員與經費再求固定方法然後校務可以持久

貴州政報

中區區立第二國民學校 該校開辦多年尙未畢業一班楊教員到校兩年人尙樸實教授尙無大謬教室內外秩序不整且不清潔教科皆安順本上課未依功課表教授參用舊式應由縣視學隨時考核整理進行

北區區立第一

高等小學校

該校設於東鄉馬武屯寨側鄉賢祠內於管

教訓練衛生諸端均完全無缺惟款項年僅入銀壹百玖拾餘元不能多聘教員以兩教員任兩教室功課未免勞頓應飭該縣添籌補助

私立日新學校

校長黃振江樸實無華對於教務尙能負責本年學生秋

季應屆畢業成績殊嘉該教職員等擬延長一學期至冬季始舉行畢業尤見注重實際惟該校向無的款除學費外兼恃南區區立國民學校之款挹注其不足者由創辦人捐補殊不足以維持久遠

南區第一國民學校與上列之私立日新學校雖有公私之別其實同一校舍同一校長教員直謂一兩等學校可也以其立案有先後及呈報之名目

貴州政報

不同故有此區別學生以三年級合班教授各教員於單級教法鮮能應用者教室內且將孔子牌位置之講壇之下未免蔑視太甚殊屬玩忽已極應由該縣嚴斥

私立承啓學校 該校由羅乃憲等發起教管各法均尙週到發起人等亦復熱心有力

南區區立第六國民學校 該校所用公款歲有贏餘宜可認真整頓何竟辦理多年而形式精神均欠振作蓋該地方人士對於學務意存放棄委任他人按辦又難於進行校長劉恩隆現係代職以未受委任遂不負責應飭令該縣知事給予委狀責成整理嚴加考核若再敷衍虛糜即將款項提出補助成績良好之校

貴州省長公署指令

民國八年八月

令貴西道道尹吳緒華據該道呈覆委員會勘普盤兩縣插花由

貴州政報

呈及圖說均悉查普盤兩縣插花轆轤爭執經年均以遵照原案爲辭持之有故言之成理總不外當日劃界未清各具理由互相呈訴普安係依據原案圖說以藍色爲界盤縣則以河流山脉爲天然界限當委員未踏勘以前此中真相實難懸揣茲據勘覆各節查閱情形兩造均不免各存偏私如盤紳以天然爲界然自深溪河上黃家河逆流至下廠河延長至四五十里均名之曰深溪河雖有天然界限而在界內之大坪石了口簸箕寨保冲等處離盤太遠治理不便且由保冲至平頂箐過簸箕寨地瓜坡至雨雪坡仍無界限可尋何爲天然又如普安縣因與盤縣爭界遂將應歸盤縣管理之南心那谷王家寨以及盤縣撥入安南之青安小箐沙灣河火把坳大小江寨一併畫入藍色圈內實出情理之外似此任情強辯兩造理論均不足憑既經委員會同兩縣實地踏勘擬具辦法呈由該道查核轉呈前來自應以此次會勘所擬辦法爲準查核決定以息爭端該委員所擬兩縣界限係取折衷主義原案載有天然界限者

貴州政報

應以天然爲界其未載有天然界限者應以圖色爲界及喬知事履勘舊路爲標準所謂舊路者卽自梅子井達板橋冲奈河坪羅泥米母至涼水井人行路爲界路東歸普路西歸盤查閱各該縣以及此次委員所繪圖說該委員所擬尙屬切實整齊亟應照准由本署決定普盤兩縣界限卽自法郎河起由梅子井達板橋冲鷄貓場奈河坪大憂河羅泥米母涼水井人行路爲界所有位在路西之鷄貓場奈河坪張家梁子大憂河博密雨洒河格梯三家寨雨黑等處均歸盤縣管理其位在路東之梅子井岩頭上板橋冲核桃樹雙溝河石了口大坪紫河金竹林簸箕寨羅泥米母涼水井以及界內各地均歸普安管理從此永定界限勿得混爭仰卽查照分飭各該縣遵照勒石豎立碑記卽將從前未咨厥冊查核補造互爲咨送清楚俾便治理併照辦理插花手續另具圖表厥冊二分連同碑文會呈該道轉呈以憑結案此令圖存

貴州省長公署指令

民國八年七月

貴州政報

令印江縣知事周敏時據該縣呈覆遵令清查義倉情形並送一覽表由呈表均悉查清理義倉爲目前不可緩之圖本署視爲要政故一再催促積極進行乃該縣歷任對於此舉不能掃除積習敷衍塞責可爲浩歎現既經該知事認真清查完竣列表呈報前來所有虧欠之戶力能填償者應嚴限追繳以重倉儲其無力填償者查核爲數尙屬有限姑從寬免予追繳以恤民艱經此次經理之後仰即督飭各管倉員照章認真保管倘有虧挪侵蝕卽行從嚴懲辦以儆效尤一面仍隨時籌集增殖方法呈候採擇施行切切表存此令

貴州省長公署指令

民國八年九月

令綏陽縣知事陶汝羹據該縣呈籌設續修通志採訪處暨擬修縣志由據呈已悉該縣採訪員數是否合志局定額未據呈報無從核辦現屆採訪期間亟應督催該員等按照條例悉心徵集趕繕成冊連同員名呈核以憑送局查照彙編至該縣因茲採訪之便儲爲志乘之材具見官紳留心文獻均屬可

貴州政報

嘉應准立案惟茲事體大殊非易事昔呂覽之作成於衆彥尙蒙龐雜之譏淮南之書采掇百家猶有褒詭之誚況該縣文彫獻熄尤宜詳慎仰卽令飭該紳等發凡起例於地方因革損益之故悉心參究勿稍疏率地方經費除行政費外概不得擅行挪移此項修志費究係如何籌集現有若干編纂何人有無簡章均應詳細呈覆勿延切切此令

貴州省長公署指令

民國八年八月

令高等檢察廳檢察長胡曜據該廳呈轉緝水縣宋知事緝獲前任逃犯穆成齋請從優敘獎由

呈悉查此案前據該知事呈報到署業經指令將該犯穆成齋仍照前令執行槍斃并依法妥擬正式判詞分報備案在案至該知事緝捕認真洵堪嘉許應照所請將該知事記大功一次以示鼓勵卽由該廳轉行知照可也此令

貴州省長公署指令

民國八年四月